

親近善知識

欲述此論此論，大分為三

- 甲一 依止之重要
- 甲二 依止之方法
- 甲三 勸親近知識

《莊嚴經論》云：「知識須具戒、定、慧、德勝、精進、教富饒、通達真實、善說法、悲憐為體、

斷疲厭。」

「佛非水洗眾生罪，亦非手拔有情苦，非將已德移于餘，唯為說法令解脫。」

「具三學，通真實及有悲心，五者為主。彼眾德全具之師，處之未法，雖不易得。但亦莫依過失增上，及功過相等者，必須依止功德較增上者。」

甲一 依止之重要 二

乙一 依止之勝利

由如法依止善知識故，得近佛位，諸佛悅豫，常遇善知識，不墮惡趣，速斷一切煩惱惡業，不背菩薩行，常具正念，功德資糧漸漸增長，成辦現前究竟一切義利。

複次，敬事善知識者，則先時所積當受惡報之業，能於此世身心少感不安，或夢中稍受微苦，即可轉滅令盡。此之善根，較諸供養無量佛陀，尤為超勝，勝利之大如是也。

乙二 不依止之過患

若不如法依師，此世易為病擾，或為魔侵，後世墮於惡趣，感受無量苦惱。

《五十頌》云：「勿令阿闍黎，少分生煩惱，無智相違背，定入阿鼻獄，受種種極苦，說之深可怖。由謗阿闍黎，於中常止住。」

複次，諸未生之功德不生，諸已生者失壞，常與不善知識及惡友為侶，亦令功德損滅，過失增長，

生出多種不可愛樂之事。故於一切能感苦果之因，悉因斷之。

甲二、依止之方法 二

《四百頌》云：「質直，具慧，求法義，是則名為聽法器，不將說法師功德，執為過謬聽亦然。」

乙一、意樂依止法 二

丙一、淨信為本

《寶炬陀羅尼經》云：「信為前導有如母，出生長養諸功德。謂以信故，能令功德未生者生，已生者安住，輾轉向上增長也。」

《十法經》云：「以何到佛地，信為殊勝乘。是故具慧者，當隨淨信修。于諸不信心，不能生白法，如火燒種子，豈復發青芽。」此謂從行止門中，信為一切功德根本也。

然則對師應如何而信耶？

《金剛手灌頂經》云：「秘密主，學人于阿闍黎，應作何觀，當視如佛。」諸大乘經及律藏，皆作是說。此義雲何？謂常人於佛，皆不致生起尋過之心，而能思其功德。于師亦應爾。故須視師是佛。前經又云：「當持師功德，無尋師過失。觀德得成就，察過不得成。」設以放逸心或煩惱熾盛等過，忽起尋過之心，應當勵力懺改防護。如是修習，縱見稍有過失，以念德心盛故，亦不能障礙其信心。

丙二、念恩生敬

《十法經》云：「於久遠馳騁生死中尋求我者，令我得知久遠時來流轉生死（於長夜癡暗睡眠中醒覺我者。於陷溺有海拔濟我者。于三界牢獄解放我者。我入惡道，示以善道。我有疾病。為作良醫。我為貪等猛火所燒，為作雲雨而息滅之，應如是思惟。」

《華嚴經》云：「我此善友說法人，諸法功德為開示，菩薩威儀總為說，一心思惟而來此。能生善行如我母，哺功德乳如乳母，菩提支分教修習，此諸知識遮損惱，解脫生死如妙藥，亦如帝釋降甘

霖，令我增善如滿月，開顯涅槃似日明。心於怨親固如山，亦如大海不蕩動，救護一切如船師，善財如是思惟來。菩薩令我發大心，佛子令起求菩提，我此知識佛所贊，以是善心而來此。救護世間如勇士，又如商主眾所依，與我安樂開慧眼，以此善心事知識。」

吾人參謁善知識時，應念此偈頌辭句，但將善財換為己名誦之。

乙二、加行依止法

《事師法五十頌》云：「此何須繁說，隨師喜當作。不喜者悉止。於彼彼勵力，成就隨者黎。持金剛親說，知己于一切，師喜悉當作。」

內外財供——

《五十頌》云：「又複于師所，樂行於喜舍，不吝於己身，何況於財物。」

又云：「若于灌頂師，三時伸禮奉，則為已供養，十方諸如來。」

身口給侍

—— 謂洗擦、塗香（按摩）、侍疾、稱揚功德等。

如教修行也

—— 不違修行是（乃最殊勝供）。三門之中，此為主幹。

《本生經》云：「報恩供養者，謂如教修行。」

甲三、勸親近知識

須知，共所稱許之喇嘛瑜珈教授者，即如上說，若僅少次緣念，殊嫌不足，必行者心生決定，於具德引導不錯之善知識，應長時依止。

如伽喀巴（噶丹格西）雲：「于依師時，恐有所失而折本。蓋不知依止法，將無利而有虧損，此依師法（敵如法依師），比較余法尤為重要，以其為究竟利樂之根本故。我輩煩惱粗重，又不知事師法，或知而不行，多生眾罪，此須努力懺改防護，誠能如是，不久當如常啼菩薩，及求善知識無厭足之善財矣。」

—— 恭錄自 宗喀巴大師造 大勇法師講譯 《菩提道次第略論》——